



## 手機仔無毒

嘆薰、淋酒、哺檳榔真係改，食毒的上蓋害，這世人「賣碗盤的捋倒擔——去了了」！有一款毒無開喺食，干焦用怙手攏，講是沐著手機仔毒。以早的人食飯毋是配話就是配電視，「向頭族」的時代改配手機仔。美國有一个導演看袂過，刁工拍一齣恐怖片，片名號做『APP』，咱遮翻做「手機仔有鬼」，欲予遐的手機仔族戲看煞，驚甲軟跤兼破膽，就按呢改過自新。

中著手機仔毒的人，會親像孀姑娘仔愛照鏡，目睷繩(tsîn)一塊玻璃片仔。手指頭仔踮頂懸耍蹺蹺雞，真成布機咧經布，uān-nā 經橫，uān-nā 經直；嘛足成樂團的指揮，搖來搖去無一時閒。綴時行去膏著這款毒的人，雖然膀胱袂敗馬，毋過尻川黏佇金交椅，比乞食仙閣較懶屍骨；有的七少年、八少年就目睷起煙暈，規組害了了；一工到暗澈天天，噉噉無愛應話，共邊仔的活人當做柴頭梃仔，顛倒恰網路社群的生份人「即時通」，傳一張圖，擱一个讚，你兄我弟親厚厚。

手機仔變成電子奶喺仔，煞心的「機迷」滿四界，莫怪一冬有十幾億支來出世。拄著這號魔神仔，鬼牽溜溜行，痞 tin-tang 烏白舞，仙講都講袂聽！政府有喺喝甲無瀾，只好心肝掠坦橫，毋管駛車抑是擋紅燈，只要手賤摸手機仔，騎『oo-tóo-bái』的罰一千，駛車的罰三千。今年的正月到今(tann)，已經取締萬外件。檀香山甚至通過「行人分心法」，禁止步輦的市民看手機仔，才袂好運的家已跋甲大空細裂，歹運的予大台車搥甲糜糜卯卯。頂個月淡水有一个「馬路三寶」真出名，機車那騎手機仔那捋，不死鬼對公車的後斗咬落去，鼻目喺機一下歪膏擱斜。尾仔救護車先送伊去急診，交通隊嘛綴去病院共關心，順繼送伊九千箍的紅單。

躉大呆按呢生濫慘用，烏狗偷食，煞害白狗受罪。論真手機仔是好物，雖然生做扁扁薄縐絲，窮真一斗較贏九石，正港是輕蠓蠓的好枝骨。一項抵百項，卡片佻錢銀毋免紮，錶仔毋免掛，閣佻光焱焱的手電仔。行程有祕書做安排，報紙、雜誌在咱掀，導航報馬仔恁咱遊臺灣。電話會當敲，電視揸咧行，電子批隨時寄，聽好翕相、聽歌、錄音佻錄影。詞典、百科全書、搜搵軟體逐項攢便便，書僮綴前閣綴後，人人攏是博士博。

手機仔無毒，規身軀裊裊寶，袂輸「機器貓」的百寶袋仔，內底有規『thoo-lá-khuh』的好家私。好家私嘛著好師傅，心肝頭有主張，巧巧人袂走差，科技帶來的福氣滿天星！

作者：黃文達

### ☆詞彙學習☆

【蹺蹺雞】tshiáng-kha-ke：跳房子、跳格子。

一種小孩子的遊戲。

【布機】pòo-kui：以前用來織布的木製機器，即舊式的織布機。

【敗馬】pāi-bé：本義是火車脫軌，這裡比喻為故障、出錯。

【煙暈】ian-ñg：眼睛昏花、看不清楚。

【噉噉】hnh-hnh：悶不吭聲。

【痞 tin-tang】siáu-tin-tang：瘋瘋癲癲。

【濫慘】lām-sám：隨便、胡亂來。

【輕蠓蠓】khin-báng-báng：形容非常的輕。

【好枝骨】hó-ki-kut：比喻身材很好。

【裊裊寶】thēh-thēh-pó：全身上下都是寶。

【機器貓】Ki-khi-niau：日本的卡通人物『ドラえもん』，中文翻做『哆啦A夢』。

【走差】tsáu-tsuah：走樣、偏差。